

SILAT SUKAN SEA

Azam catat kejayaan besar

Oleh MOHD SANI ALI
28 AUG 1987

PASUKAN pencak silat Singapura berazam untuk menunjukkan kejayaan bersejarah dalam kemunculan pertama mereka dalam Sukan SEA Jakarta September ini.

Menurut jurulatih pasukan Republik, Hosni Ahmad, beliau berharap pesilat-pesilatnya akan berusaha meningkatkan persembahan mereka bagi menghadapi cabaran mereka di Jakarta kelak.

Jurulatih itu menyifatkan Indonesia merupakan pengha-

lang besar kepada pesilat-pesilat Singapura untuk mencatatkan kejayaan yang lebih besar.

"Memandangkan acara ini dipelopori oleh pasukan tuan rumah, oleh itu mereka pasti lebih bersedia dan yakin untuk mencatatkan kejayaan terbaik dalam pertandingan ini," jelas Hosni.

Bagaimanapun, keadaan ini tidak sedikitpun akan melemahkan semangat perjuangan peserta-peserta Singapura yang telah membuat persediaan sejak November lalu.

"Berdasarkan kepada kegi-

gian dan kesungguhan yang telah ditunjukkan oleh pesilat-pesilat Singapura sejak latihan tersebut, saya yakin mereka akan pulang tanpa tangan kosong," tambahnya dengan nada yakin.

Pesilat-pesilat Singapura mengadakan latihan lari sejauh enam kilometer tiga kali seminggu bagi meningkatkan tahap ketahanan mereka. Ini disusuli dengan latihan bersilat yang ditambah daripada seminggu sekali kepada empat kali seminggu.

Para peserta ke Sukan SEA.

Pesilat wanita: — Kelas A (30kg — 33kg): Hazrah Khanam Ashraf; Kelas B (33kg — 36kg): Badriah Hosni; Kelas C (36kg — 39kg): Shamsiah Hosni.

Pesilat lelaki: Kelas A (40kg — 45kg): Talib Tambi; Kelas B (45kg — 50kg): Mohamed Annuar Aziz; Kelas C (50kg — 55kg): Zakaria Daud; Kelas D (55kg — 60kg): Azman Ahmad; Kelas E (60kg — 65kg): Azrin Haji Abdul Rahim; Kelas F (65kg — 70kg): Jamal Jantan; Kelas G: (70kg ke atas): S. Alaudin Yaacob.